

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
VLADA**

Broj: 02-01-22566-1/13.
Zenica, 31.10.2013. godine

Z A P I S N I K
sa 131. sjednice Vlade Zeničko-dobojskog kantona održane 30.10.2013. godine

Sjednica je održana u sali 109, prvi sprat u zgradi Kantona, dana 30.10.2013. godine u trajanju od 12³⁰ do 14⁰⁵ sati.

Sjednicom je predsjedavao Munib Husejnagić, premijer Zeničko-dobojskog kantona.

Sjednici su prisustvovali članovi Vlade:

1. Bojan Bošnjak, ministar Ministarstva za poljoprivredu, šumarstvo i vodoprivredu,
2. Romana Brkić, ministrica Ministarstva za pravosuđe i upravu,
3. Sabina Heljić, ministrica Ministarstva finansija,
4. Rifat Delić, ministar Ministarstva unutrašnjih poslova,
5. Ivica Ćurić, ministar Ministarstva za rad, socijalnu politiku i izbjeglice,
6. Mirko Trifunović, ministar Ministarstva za obrazovanje, nauku, kulturu i sport,
7. Senka Balorda, ministrica Ministarstva zdravstva,
8. Edin Terzić, ministar Ministarstva za prostorno uređenje, promet i komunikacije i zaštitu okoline.
9. Nedžad Lokmić, ministar Ministarstva za boračka pitanja,
10. Amir Abazović, pomoćnik ministra u Ministarstvu za privredu.

Sjednici su prisustvovali i:

1. Berjana Ačkar, sekretar Vlade,
2. Kadić Mirsad, sekretar Sekretarijata za zakonodavstvo,
3. Ivica Mandura, savjetnik Premijera Zeničko-dobojskog kantona,
4. Jasminka Ahmetspahić, viši stručni saradnik za poslove informisanja u Uredu premijera,
5. Alma Hrnjić, zapisničar.

Premijer je stavio na diskusiju predloženi

D N E V N I R E D :

1. Informacija o dostignutom stanju u oblastima raseljenih lica i povratnika na području Zeničko-dobojskog kantona za period I-IX 2013. godine sa Prijedlogom Zaključka o prihvatanju;
2. Prijedlog Zaključka o prihvatanju predloženog teksta Odluke Vlade Federacije Bosne i Hercegovine o utvrđivanju najniže satnice u Federaciji Bosne i Hercegovine;
3. Prijedlog Zaključka o odobravanju sredstava na ime pokrivača troškova predhodnog stečajnog postupka nad JU „Dom penzionera“ Zenica;

4. Prijedlog Odluke o dopuni Odluke o utvrđivanju koeficijenta složenosti poslova za obračun osnovne plaće za radna mjesta na JU Univerzitet u Zenici;
5. Prijedlog Odluke o uvećanju sredstava u Budžetu Zeničko-dobojskog kantona za 2013. godinu, budžetskog korisnika iz nadležnosti Ministarstva za obrazovanje, nauku, kultruru i sport, za Osnovnu školu „Mula Mustafa Bašeskija“ Kakanj;
6. Prijedlog Zaključka o odobravanju finansijskih sredstava Bošnjačkoj zajednici kulture „Preporod“ iz Zenice na ime potpore za organizaciju 17. Bajramskog malonogometnog turnira;
7. Prijedlog Zaključka o odobravanju sredstava Župnom uredu Sv. Josipa iz Zenice, na ime potpore za organizaciju Božićnog malonogometnog turnira;
8. Prijedlog Zaključka o izuzimanju Ministarstva unutrašnjih poslova, od primjene dijela Zaključka o utvrđivanju plana novčanih tokova Budžeta Zeničko-dobojskog kantona za mjesec oktobar, novembar i decembar 2013. godine;
9. Prijedlog Zaključka odobravanju finansijskih sredstava vlasnicima oboljelih životinja, na ime nadoknade štete nastale provođenjem naređenih mjera ubijanja;
10. Uredba o vršenju ovlaštenja organa Zeničko-dobojskog kantona u privrednim društvima sa učešćem državnog kapitala, sa Prijedlogom Zaključka o usvajanju;
11. Prijedlog Odluke o konačnoj listi kandidata za člana Nadzornog odbora privrednog društva „rmk promet“ d.d. Zenica;
12. Upozavanje članova Vlade sa aktom;
 - Akt Kolegija Skupštine Kantona, broj: 01-01-21730-4/13 od 21.10.2013. godine
 - Akt Kolegija Skupštine Kantona, broj: 01-01-21730-5/13 od 21.10.2013. godine

Članovi Vlade su se usaglasili sa predloženom dopunom dnevnog reda tako da je za sjednicu jednoglasno usvojen sljedeći:

DNEVNI RED :

1. Informacija o dostignutom stanju u oblastima raseljenih lica i povratnika na području Zeničko-dobojskog kantona za period I-IX 2013. godine sa Prijedlogom Zaključka o prihvatanju;
2. Prijedlog Zaključka o prihvatanju predloženog teksta Odluke Vlade Federacije Bosne i Hercegovine o utvrđivanju najniže satnice u Federaciji Bosne i Hercegovine;
3. Prijedlog Zaključka o odobravanju sredstava na ime pokrića troškova predhodnog stečajnog postupka nad JU „Dom penzionera“ Zenica;
4. Prijedlog Odluke o dopuni Odluke o utvrđivanju koeficijenta složenosti poslova za obračun osnovne plaće za radna mjesta na JU Univerzitet u Zenici;
5. Prijedlog Odluke o uvećanju sredstava u Budžetu Zeničko-dobojskog kantona za 2013. godinu, budžetskog korisnika iz nadležnosti Ministarstva za obrazovanje, nauku, kultruru i sport, za Osnovnu školu „Mula Mustafa Bašeskija“ Kakanj;
6. Prijedlog Zaključka o odobravanju finansijskih sredstava Bošnjačkoj zajednici kulture „Preporod“ iz Zenice na ime potpore za organizaciju 17. Bajramskog malonogometnog turnira;
7. Prijedlog Zaključka o odobravanju sredstava Župnom uredu Sv. Josipa iz Zenice, na ime potpore za organizaciju Božićnog malonogometnog turnira;
8. Prijedlog Zaključka o izuzimanju Ministarstva unutrašnjih poslova, od primjene dijela Zaključka o utvrđivanju plana novčanih tokova Budžeta Zeničko-dobojskog kantona za mjesec oktobar, novembar i decembar 2013. godine;
9. Prijedlog Zaključka odobravanju finansijskih sredstava vlasnicima oboljelih životinja, na ime nadoknade štete nastale provođenjem naređenih mjera ubijanja;

10. Uredba o vršenju ovlaštenja organa Zeničko-dobojskog kantona u privrednim društvima sa učešćem državnog kapitala;
11. Prijedlog Odluke o konačnoj listi kandidata za člana Nadzornog odbora privrednog društva „rmk promet“ d.d. Zenica;
12. Prijedlog Zaključka o izmjeni Programa rada Vlade Zeničko-dobojskog kantona za 2013. godinu.
13. Prijedlog Zaključka o utvrđivanju Amandmana I. na Prijedlog Odluke o osnovicama i stopama doprinosa za obavezno zdravstveno osiguranje u Zeničko-dobojskom kantonu
14. Upozavanje članova Vlade sa aktom;
 - Akt Kolegija Skupštine Kantona, broj: 01-01-21730-4/13 od 21.10.2013. godine
 - Akt Kolegija Skupštine Kantona, broj: 01-01-21730-5/13 od 21.10.2013. godine

Prva tačka dnevnog reda

Obrazloženje za ovu tačku dnevnog reda dao je Ivica Ćurić, ministar Ministarstva za rad, socijalnu politiku i izbjeglice.

Vlada je jednoglasno donijela Zaključak kojim se prihvata Informacija o dostignutom stanju u oblastima raseljenih lica i povratnika na području Zeničko-dobojskog kantona za period I-IX 2013. godine. Informacija iz tačke I. ovog Zaključka upućuje se u dalju skupštinsku proceduru. Zaključak stupa na snagu danom donošenja.

Druga tačka dnevnog reda

Obrazloženje za ovu tačku dnevnog reda dao je Ivica Ćurić, ministar Ministarstva za rad, socijalnu politiku i izbjeglice.

U diskusiji su učestvovali; ministrica Ministarstva finansija, ministar Ministarstva za rad, socijalnu politiku i izbjeglice, sekretar Vlade, ministar Ministarstva unutrašnjih poslova, sekretar Sekretarijata za zakonodavstvo, Premijer Zeničko-dobojskog kantona, ministrica Ministarstva zdravstva, ministar Ministarstva za poljoprivredu, šumarstvo i vodoprivredu, ministar Ministarstva za prostorno uređenje, promet i komunikacije i zaštitu okoline, pomoćnik u Ministarstvu zaprivredu i ministrica Ministarstva za pravosuđe i upravu.

Vlada je jednoglasno donijela Zaključak kojim se razmatranje Prijedloga Zaključka o prihvatanju predloženog teksta Odluke Vlade Federacije Bosne i Hercegovine o utvrđivanju najniže satnice u Federaciji Bosne i Hercegovine, odlaže se za narednu sjednicu Vlade Zeničko-dobojskog kantona. Zadužuje se Ministarstvo za rad, socijalnu politiku i izbjeglice da pribavi dodatne informacije, na što se sve može odnositi prihvatanje predloženog teksta Odluke o utvrđivanju najniže satnice u Federaciji Bosne i Hercegovine, tj. kakve bi posljedice proizašle po Budžet Zeničko-dobojskog kantona, odnosno rashodovnu i prihodovnu stranu, kako bi o istom mogli donijeti validnu ocjenu. Zaključak stupa na snagu danom donošenja.

Treća tačka dnevnog reda

Obrazloženje za ovu tačku dnevnog reda dao je Ivica Ćurić, ministar Ministarstva za rad, socijalnu politiku i izbjeglice.

Vlada je jednoglasno donijela Zaključak kojim se odobravaju sredstva na ime pokriva troškova predhodnog stečajnog postupka nad JU „Dom penzionera“ Zenica u iznosu od 1.500,00 KM (slovima: hiljadu i petstotina konvertibilnih maraka).

Sredstva iz tačke I ovog zaključka isplatit će se iz Budžeta Zeničko-dobojskog kantona za 2013. godinu („Službene novine Zeničko-dobojskog kantona“, broj 19/12), razdjel 20, organizacija 01, potrošačka jedinica 0001, ekonomski kod 614200, KAD 207, pozicija «Ostali socijalni transferi».

Sredstva uplatiti na depozitni račun Općinskog suda u Zenici, otvoren kod IK banke d.d. Zenica broj: 134-010-0000044837, sa naznakom svrha uplate: „Troškovi predhodnog stečajnog postupka nad JU „Dom penzionera“ Zenica, broj predmeta: 43 0 St 090116 13 St.

Zadužuju se Ministarstvo za rad, socijalnu politiku i izbjeglice i Ministarstvo finansija da u skladu sa zakonom i podzakonskim aktima realizuju ovaj zaključak. Zaključak stupa na snagu danom donošenja.

Četvrta tačka dnevnog reda

Obrazloženje za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

U diskusiji su učestvovali; ministar Ministarstva za poljoprivredu, šumarstvo i vodoprivredu, Premijer Zeničko-dobojskog kantona, ministar Ministarstva za prostorno uređenje, promet i komunikacije i zaštitu okoline, ministar Ministarstva unutrašnjih poslova, ministrica Ministarstva za pravosuđe i upravu, sekretar Vlade, ministrica Ministarstva finansija i ministrica Ministarstva zdravstva.

Vlada je jednoglasno donijela Odluku o dopuni Odluke o utvrđivanju koeficijenata složenosti poslova za obračun osnovne plaće za radna mjesta na JU Univerzitet u Zenici.

U članu 4., stav 1, IV Metalurški institut „Kemal Kapetanović“, Odluke o utvrđivanju koeficijenata složenosti poslova za obračun osnovne plaće za radna mjesta na JU Univerzitet u Zenici („Službene novine Zeničko-dobojskog kantona“, broj 11/09), vrši se dopuna na način da se u tački 6., iza riječi: „Glavni inspektor“, dodaje zarez i riječ: „Dizajner“.

Zadužuju se Ministarstvo za obrazovanje, nauku, kulturu i sport, Ministarstvo finansija i JU Univerzitet u Zenici, da u skladu sa zakonom i podzakonskim aktima realizuju ovu odluku, svako u okviru svoje nadležnosti.

Odluka stupa na snagu danom donošenja, i objaviti će se u „Službenim novinama Zeničko-dobojskog kantona“.

I Zaključak kojim se nalaže Ministarstvu za obrazovanje, nauku, kulturu i sport da u roku od 30 dana analizira i Vladi dostavi informaciju o pokrenutim procesima izmjena i dopuna općih akata za visokoškolske ustanove i stepen njihove realizacije sa komparacijom stanja i nivoa primanja sa ostalim univerzitetima.

Istovremeno je potrebno pripremiti i prijedlog izmjena Odluke o utvrđivanju koeficijenata složenosti poslova za obračun osnovne plaće za radna mjesta na JU Univerzitet u Zenici („Službene novine Zeničko-dobojskog kantona“, broj 11/09), sa akcentom na član 3. predmetne odluke koji se odnosi na koeficijente dodataka na osnovnu plaću, o kojem će se odlučivati na osnovu elemenata iz tačke I. ovog zaključka. Zaključak stupa na snagu danom donošenja.

Peta tačka dnevnog reda

Obrazloženje za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

Vlada je jednoglasno donijela Odluku o uvećanju sredstava u Budžetu Zeničko-dobojskog kantona za 2013. godinu.

Odobrava se uvećanje sredstava u Budžetu Zeničko-dobojskog kantona za 2013. godinu („Službene novine Zeničko-dobojskog kantona“, broj: 19/12) za budžetskog korisnika iz nadležnosti Ministarstva za obrazovanje, nauku, kulturu i sport-Osnovna škola „Mula Mustafa Bašeskija“ Kakanj.

Uvećanje sredstava u Budžetu Zeničko-dobojskog kantona za 2013.godinu, vrši se na slijedeći način:

- a) na razdjelu 22, budžetska organizacija 02, potrošačka jedinica 0009 – Osnovna škola „Mula Mustafa Bašeskija“ Kakanj, sredstva na poziciji 613900 MBC 902 – Ostale ugovorene usluge, Plan izdaci iz donacija 2013. godina, uvećavaju se za 364,80 KM,
- b) u Budžetu Zeničko-dobojskog kantona za 2013. godinu u dijelu A. PRIHODI u koloni Plan 2013. godina, sredstva na poziciji 732116 – Priljeni tekući transferi od općina, uvećavaju se za 364,80 KM.

Uplaćena sredstva od strane općine Kakanj, škola će utrošiti za organizaciju općinskog takmičenja učenika iz matematike.

Škola je dužna sačiniti izvještaj o namjenskom utrošku sredstava i isti dostaviti resornom Ministarstvu najkasnije 7 (sedam) dana nakon utroška sredstava.

Zadužuju se Ministarstvo za obrazovanje, nauku, kulturu i sport i Ministarstvo finansija da u skladu sa zakonom i podzakonskim aktima realizuju ovu odluku, svako u okviru svojih nadležnosti.

Ova Odluka stupa na snagu narednog dana od dana objavljivanja u «Službenim novinama Zeničko-dobojskog kantona».

Šesta tačka dnevnog reda

Objasnjeno za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

U diskusiji je učestvovala ministrica Ministarstva za pravosuđe i upravu.

Vlada je jednoglasno donijela Zaključak kojim se odobravaju sredstva Bošnjačkoj zajednici kulture „Preporod“ iz Zenice u iznosu od 1500,00 KM (hiljadupetstokonvertibilnihmaraka) za organizaciju 17. Bajramskog malonogometnog turnira.

Odobrena sredstva isplatiti po osnovu Budžeta Zeničko-dobojskog kantona za 2013. godinu, sa razdjela 22, Ministarstvo za obrazovanje, nauku, kulturu i sport, budžetska organizacija 01, potrošačka jedinica 001, ekonomski kod 614300, subanalitika MAX 002 pozicija „Transfer za sport“. Sredstva uplatiti na račun broj: 134-010-0000286464

Zadužuju se Ministarstvo za obrazovanje, nauku, kulturu i sport i Ministarstvo finansija, da realizuju ovaj zaključak u skladu sa zakonom i podzakonskim aktima, svako u okviru svojih nadležnosti.

Korisnik sredstava je dužan resornom ministarstvu najkasnije tri mjeseca po primitku sredstava dostaviti izvještaj o namjenskom utrošku sredstava. Zaključak stupa na snagu danom donošenja.

Sedma tačka dnevnog reda

Objasnjeno za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

Vlada je jednoglasno donijela Zaključak kojim se odobravaju sredstva Župnom uredu Sv. Josipa iz Zenice u iznosu od 1500,00 KM (hiljadupetsto konvertibilnih maraka) za organizaciju Božićnog malonogometnog turnira.

Odobrena sredstva isplatiti po osnovu Budžeta Zeničko-dobojskog kantona za 2013. godinu, sa razdjela 22, Ministarstvo za obrazovanje, nauku, kulturu i sport, budžetska organizacija 01, potrošačka jedinica 001, ekonomski kod 614300, subanalitika MAX 002 pozicija „Transfer za sport“. Sredstva uplatiti na račun Župnog ureda Sv. Josipa Zenica, broj: 338-250-2201019866 UniCredit Bank sa naznakom za „Božićni turnir“

Zadužuju se Ministarstvo za obrazovanje, nauku, kulturu i sport i Ministarstvo finansija, da u skladu sa zakonom i podzakonskim aktima realizuju ovaj zaključak, svako u okviru svojih nadležnosti.

Korisnik sredstava je dužan resornom ministarstvu najkasnije tri mjeseca po primitku sredstava dostaviti izvještaj o namjenskom utrošku sredstava. Zaključak stupa na snagu danom donošenja.

Osma tačka dnevnog reda

Objasnjeno za ovu tačku dnevnog reda dao je Rifat Delić, ministar Ministarstva unutrašnjih poslova.

Vlada je jednoglasno donijela Zaključak o izuzimanju od primjene dijela Zaključka o utvrđivanju plana novčanih tokova Budžeta Zeničko-dobojskog kantona za mjesec oktobar, novembar i decembar 2013. godine.

Dozvoljava se stvaranje obaveza Ministarstvu unutrašnjih poslova Zeničko-dobojskog kantona na poziciji Budžeta Zeničko-dobojskog kantona za 2013. godinu :

- razdjel 15, budžetska organizacija 01, potrošačka jedinica 0001 - Ministarstvo unutrašnjih poslova, ekonomski kod 6139 „Ugovorene i druge posebne usluge u iznosu od KM 24.149,00 mjesečno

- razdjel 15, budžetska organizacija 01, potrošačka jedinica 0001 - Ministarstvo unutrašnjih poslova, ekonomski kod 6138 „Izdaci osiguranja, bankarskih usluga i usluga platnog prometa" u iznosu od KM 2.250,00 na mjesečnom nivou odnosno KM 27.000,00 na godišnjem nivou. Navedeni iznosi iz tačke I sadržani su u Budžetu Zeničko-dobojskog kantona za 2013.godinu („Službene novine Zeničko-dobojskog kantona" broj 19/12). Zadužuje se Ministarstvo unutrašnjih poslova i Ministarstvo finansija da u skladu sa zakonom i podzakonskim aktima realizuju ovaj Zaključak, svako u okviru svojih nadležnosti. Zaključak stupa na snagu danom donošenja.

Deveta tačka dnevnog reda

Obrazloženje za ovu tačku dnevnog reda dao je Bojan Bošnjak, ministar Ministarstva za poljoprivredu, šumarstvo i vodoprivredu.

Vlada je jednoglasno donijela Zaključak kojim se odobrava isplata iznosa od 11.180,00 KM (jedanaest hiljadastotinu osamdeset konvertibilnih maraka) na ime nadoknade štete nastale zbog provođenja naređenih mjera ubijanja 2 koze, 7 goveda i 1 konja.

Sredstva iz tačke I ovog Zaključka isplatiti će se iz Budžeta Zeničko-dobojskog kantona za 2012. godinu, sa razdjela 23, budžetska organizacija 01, potrošačka jedinica 0001, ekonomski kod 614400, subanalitika NAD 405, pozicija „ Subvencije-veterinarstvo“.

Sredstva iz tačke I ovog Zaključka bit će isplaćena prema priloženom spisku sačinjenom na osnovu provjere ispunjenosti kriterija za dodjelu nadoknade za ubijene životinje, koju je izvršio Odsjek za veterinarstvo Ministarstva za poljoprivredu, šumarstvo i vodoprivredu.

Spisak vlasnika od rednog broja 1. do 7. kojima je odobren iznos naknade sastavni je dio ovog zaključka.

Zadužuju se Ministarstvo za poljoprivredu šumarstvo i vodoprivredu i Ministarstvo finansija da u skladu sa zakonom i podzakonskim aktima realizuju ovaj zaključak, svako u okviru svojih nadležnosti. Zaključak stupa na snagu danom donošenja.

10. tačka dnevnog reda

Obrazloženje za ovu tačku dnevnog reda dao je Amir Abazović, pomoćnik u Ministarstvu za privredu.

Vlada je jednoglasno donijela Uredbu o vršenju ovlaštenja organa Zeničko-dobojskog kantona u privrednim društvima sa učešćem državnog kapitala.

Ovom uredbom uređuje se vršenje ovlaštenja po osnovu učešća državnog kapitala u privrednim društvima u kojim ova ovlaštenja vrši Vlada Zeničko-dobojskog kantona, neposredno ili putem kantonalnih organa uprave ili putem kantonalnih upravnih organizacija (u daljnjem tekstu: organi Kantona).

Privredna društva u kojima Zeničko-dobojski kanton vrši ovlaštenja iz člana 1. ove Uredbe po osnovu državnog kapitala (u daljem tekstu: Lista) su:

- a) „VELEPROMET-MALOPRODAJA“ d.o.o. Visoko, sjedište Visoko, putem Ministarstva za privredu,
- b) „RMK-PROMET ZENICA“ d.d. Zenica, sjedište Zenica, putem Ministarstva za privredu,
- c) „NOVA TRGOVINA“ d.d. Žepče, sjedište Žepče, putem Ministarstva za privredu,
- d) „ŠUMSKO PRIVREDNO DRUŠTVO ZENIČKO-DOBOJSKOG KANTONA“ d.o.o. Zavidovići, sjedište Zavidovići, putem Ministarstva za poljoprivredu, šumarstvo i vodoprivredu,
- e) „ŽGP“ d.d. Zenica, sjedište Zenica, putem Ministarstva za prostorno uređenje, promet i komunikacije i zaštitu okoline,
- f) „NATRON“ d.d. Maglaj, sjedište Maglaj, putem Ministarstva za privredu.

Pravo učestvovanja u radu i odlučivanju na skupštini privrednih društava sa učešćem državnog kapitala (u daljem tekstu: privredna društva) organi Kantona ostvaruju putem punomoćnika koji je u svemu dužan postupati u skladu sa dobijenim obavezujućim uputstvima organa Kantona koji vrši ovlaštenja po osnovu učešća državnog kapitala u tom privrednom društvu.

Vlada Zeničko-dobojskog kantona, na prijedlog organa Kantona koji vrši ovlaštenja po osnovu učešća državnog kapitala u tom privrednom društvu, donosi zaključak kojim:

- a) imenuje punomoćnika za skupštinu privrednog društva,
- b) utvrđuje način glasanja po svakoj pojedinoj tački dnevnog reda, tako da pored svake tačke dnevnog reda mora izričito biti navedeno: „glasati za“ ili „glasati protiv“ ili „biti suzdržan“ ili drugi odgovarajući način glasanja,
- c) utvrđuje druga odgovarajuća obavezujuća uputstva koja se odnose na sazivanje skupštine, učestvovanje u raspravi, predlaganje i glasanje za skidanje pojedinih tačaka sa dnevnog reda, predlaganje i glasanje za odgađanje skupštine.

Organ Kantona koji pravo učestvovanja u radu i odlučivanju skupštine privrednog društva ostvaruje putem punomoćnika, za svaku sazvanu skupštinu, a u skladu sa zaključkom iz člana 4. ove Uredbe, punomoćniku daje punomoć u pisanoj formi, koja obavezno sadrži:

- a) naziv i sjedište davaoca punomoći/organa Kantona koji putem punomoćnika ostvaruje ovlaštenja u radu i odlučivanju skupštine privrednog društva,
- b) ime i prezime punomoćnika, ime jednog roditelja, adresa stanovanja, JMB, broj lične karte i naziv organa koji je izdao ličnu kartu,
- c) dnevni red sazvane skupštine,
- d) naznaku da je punomoćnik obavezan postupati u skladu sa uputstvima Vlade Zeničko-dobojskog kantona utvrđena zaključkom iz člana 4. ove Uredbe,
- e) naznaku da punomoćnik nema ovlaštenje da učestvuje u radu i odlučivanju sazvane skupštine izvan tačaka dnevnog reda navedenog u punomoći,
- f) broj, mjesto i datum izdavanja punomoći,
- g) potpis punomoćnika i
- h) potpis rukovodioca organa Kantona i pečat organa Kantona.

Privredno društvo dužno je naredni dan od dana objavljivanja obavještenja o održavanju skupštine organu Kantona koji u skladu sa Listom vrši ovlaštenja po osnovu učešća državnog kapitala u tom privrednom društvu dostaviti poziv i obavještenje za zakazanu skupštinu sa dnevnim redom, a najkasnije 15 dana prije dana održavanja skupštine dostaviti materija za svaku tačku dnevnog reda.

Prijava i punomoć za učešće u radu i odlučivanju skupštine društva dostavlja se privrednom društvu putem pošte, faksa ili elektronske pošte, najkasnije u roku koji je statutom ili odlukom društva utvrđen za registraciju dioničara za učešće u radu skupštine.

Punomoćnik je dužan originalni primjerak punomoći predati nadležnom organu privrednog društva, najkasnije neposredno prije početka skupštine.

Ukoliko punomoć ne sadrži bilo koji dio obaveznog sadržaja iz člana 5. tačka a) do h) ove Uredbe punomoćnik ne može učestvovati u radu i odlučivanju skupštine.

Organ Kantona koji je dao punomoć za učestvovanje u radu i odlučivanju skupštine privrednog društva, može izuzetno opozvati punomoć ili umjesto već date punomoći dati novu punomoć najkasnije do održavanja skupštine.

Ukoliko organ Kantona, u roku od sedam dana od dana održane skupštine, privrednom društvu dostavi akt kojim pobija valjanost punomoći na osnovu koje je punomoćnik učestvovao u radu i odlučivanju skupštine, nadležni organ privrednog društva će proglasiti nevažećim glasove po osnovu te punomoći i o tome pismeno obavijestiti sazivača skupštine.

Sazivač skupštine je dužan obustaviti od izvršenja odluku za čije donošenje su bili odlučujući glasovi po osnovu punomoći iz stava (2) ovog člana i sazvati skupštinu radi ponovnog odlučivanja o tim pitanjima, najkasnije 30 dana od dana prijema obavještenja nadležnog organa privrednog društva.

Izbor kandidata za imenovanje članova nadzornih odbora ispred državnog kapitala vrši se u skladu sa odredbama Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13).

Postupak iz stava (1) ovog člana provodi komisija imenovana od organa Kantona koji u skladu sa Listom vrši ovlaštenja po osnovu učešća državnog kapitala u tom privrednom društvu.

Komisija iz stava (2) ovog člana, nakon okončanog postupka izbora sačinjava listu najuspješnijih kandidata, na osnovu koje rukovodilac organa Kantona koji u skladu sa Listom vrši ovlaštenja po osnovu učešća državnog kapitala u tom privrednom društvu, Vladi Zeničko-dobojskog kantona upućuje prijedlog za utvrđivanje prijedloga kandidata za članove nadzornog odbora ispred državnog kapitala.

U skladu sa prijedlogom koji utvrdi Vlada Zeničko-dobojskog kantona, imenovanje članova nadzornih odbora ispred državnog kapitala vrši skupština privrednog društva.

Izuzetno, bez provođenja postupka iz člana 9. ove Uredbe, Vlada Zeničko-dobojskog kantona, na prijedlog rukovodioca organa Kantona koji u skladu sa Listom vrši ovlaštenja po osnovu učešća državnog kapitala u tom privrednom društvu, može utvrditi prijedlog kandidata za članove nadzornog odbora ispred državnog kapitala koji se imenuju na kraći period, a u skladu sa odredbama Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13).

U skladu sa prijedlogom kandidata iz stava (1) ovog člana, imenovanje članova nadzornih odbora ispred državnog kapitala vrši skupština privrednog društva na period utvrđen Zakonom o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13), počev od dana stupanja na snagu odluke skupštine o imenovanju članova nadzornog odbora.

Za člana nadzornog odbora privrednog društva ispred državnog kapitala ne može biti predloženo ili imenovano lice:

- a) za čiji izbor i imenovanje postoje smetnje i ograničenja utvrđene važećim propisima koji regulišu ovu oblast i
- b) koje je zaposlenik tog privrednog društva, osim u slučaju kada Vlada Zeničko-dobojskog kantona utvrdi da je to od posebnog interesa za određeno privredno društvo, a što zavisi od djelatnosti koju privredno društvo obavlja.

Aktom o osnivanju i/ili statutom privrednog društva sa učešćem državnog kapitala mogu biti utvrđena i dodatna ograničenja za članstvo u nadzornom odboru tog privrednog društva.

Član nadzornog odbora imenovan ispred državnog kapitala dužan je:

- a) prije održavanja sjednice tog organa pribaviti obavezujuće mišljenje organa Kantona, ako taj organ razmatra izvještaj uprave o poslovanju po polugodišnjem i godišnjem obračunu, sa bilansom stanja i bilansom uspjeha i izvještajem revizije, predlaže raspodjelu i način upotrebe dobiti i način pokrića gubitka, odobrava kupovinu, prodaju, zamjenu, uzimanje u lizing i druge transakcije imovinom, direktno ili posredstvom supsidijarnih društava u toku poslovne godine u obimu od 15% do 33% knjigovodstvene vrijednosti ukupne imovine dioničkog društva, odobrava emisiju novih dionica postojeće klase u iznosu do trećine zbira nominalne vrijednosti postojećih dionica i određuje iznos, vrijeme prodaje i cijenu ovih dionica, koja ne može biti manja od prosječne tržišne vrijednosti postojećih dionica iste klase u 30 uzastopnih dana prije dana donošenja odluke, izbor i razrješenje predsjednika nadzornog odbora, izbor i razrješenje članova uprave društva,
- b) postupati u skladu sa obavezujućim uputstvima organa Kantona koji u skladu sa Listom vrši ovlaštenja po osnovu učešća državnog kapitala u tom privrednom društvu, a ako uputstva nije dobio, u skladu sa razumnom procjenom najboljeg interesa državnog kapitala i
- c) redovno, a najmanje jednom u tri mjeseca, dostaviti pismeni izvještaj o radu nadzornog odbora organu Kantona koji u skladu sa Listom vrši ovlaštenja po osnovu učešća državnog kapitala u tom privrednom društvu.

Pribavljanje mišljenja i uputstva iz člana 12. ove uredbe vrši se pismeno najkasnije sedam dana prije održavanja sjednice nadzornog odbora, a u izuzetnim slučajevima, ako se to ocijeni opravdanim, usmenim putem.

Razrješenje dužnosti prije isteka mandata članova nadzornih odbora privrednih društava imenovanih ispred državnog kapitala vrši skupština privrednog društva na osnovu zaključka iz člana 4. ove uredbe.

Članu nadzornog odbora koji je imenovan umjesto razriješenog člana, kada se ne razrješava cijeli nadzorni odbor, mandat traje do isteka mandata članova nadzornog odbora koji su imenovani prilikom imenovanja cijelog nadzornog odbora, a nisu razriješeni.

Član nadzornog odbora može, prije isteka mandata, podnijeti ostavku na mjesto člana nadzornog odbora.

Član nadzornog odbora ostavku iz stava (1) ovog člana deponuje nadzornom odboru privrednog društva.

Nadzorni odbor privrednog društva obavezan je u roku od 8 dana o podnešenoj ostavci obavijestiti organ Kantona koji vrši ovlaštenja po osnovu učešća državnog kapitala u tom privrednom društvu.

Član nadzornog odbora imenovan ispred državnog kapitala, kojem je mandat istekao ili je razriješen dužnosti prije isteka mandata, dužan je izvršiti primopredaju dužnosti u roku i na način kako je to utvrđeno aktom organa Kantona ili aktom skupštine tog privrednog društva.

Izbor kandidata za članove uprave privrednih društava sa većinskim učešćem državnog kapitala vrši organ utvrđen statutom tog privrednog društva (u daljnjem tekstu: nadležni organ) na osnovu objavljenog javnog konkursa u skladu sa uslovima utvrđenim zakonom i statutom privrednog društva.

Nakon okončanog postupka izbora kandidata u skladu sa stavom (1) ovog člana članovi nadležnog organa ispred državnog kapitala sačinjavaju i dostavljaju listu najuspješnijih kandidata organu Kantona koji vrši ovlaštenja po osnovu učešća državnog kapitala u tom privrednom društvu.

Vlada Zeničko-dobojskog kantona, na prijedlog organa Kantona iz stava (2) ovog člana, donosi zaključak o davanju prethodne saglasnosti za imenovanje članova uprave.

U skladu sa zaključkom Vlade Zeničko-dobojskog kantona kojom je data prethodna saglasnost za imenovanje članova uprave, nadležni organ društva sa većinskim učešćem državnog kapitala donosi odluku o imenovanju članova uprave.

Izuzetno, bez provođenja postupka iz člana 15. ove Uredbe, Vlada Zeničko-dobojskog kantona, na prijedlog rukovodioca organa Kantona koji u skladu sa Listom vrši ovlaštenja po osnovu učešća državnog kapitala u tom privrednom društvu, može donijeti zaključak o davanju prethodne saglasnosti za imenovanje vršilaca dužnosti članova uprave privrednog društva sa većinskim učešćem državnog kapitala na period do šest mjeseci.

U skladu sa zaključkom Vlade Zeničko-dobojskog kantona iz stava (1) ovog člana, nadležni organ društva sa većinskim učešćem državnog kapitala donosi odluku o imenovanju vršilaca dužnosti članova uprave na period do šest mjeseci, počev od dana stupanja na snagu odluke nadležnog organa o imenovanju vršilaca dužnosti članova uprave.

Razrješenje dužnosti prije isteka mandata članova uprave privrednih društava sa većinskim učešćem državnog kapitala vrši nadležni organ privrednog društva na osnovu prethodne saglasnosti Vlade Zeničko-dobojskog kantona.

Članu uprave privrednog društva, izuzev predsjednika uprave, koji je imenovan umjesto razriješenog člana, u slučaju kada se ne razrješava cijela uprava privrednog društva, mandat traje do isteka mandata predsjednika uprave privrednog društva.

Razrješenjem dužnosti predsjednika uprave razrješavaju se dužnosti svi članovi uprave.

Član uprave privrednog društva sa većinskim učešćem državnog kapitala kojem je mandat istekao ili je razriješen dužnosti prije isteka mandata dužan je izvršiti primopredaju dužnosti u roku i na način kako je to utvrđeno aktom organa Kantona ili aktom nadzornog odbora tog privrednog društva.

Za prekršaj kaznit će se novčanom kaznom u iznosu od 500,00 KM do 7.000,00 KM privredno društvo u kojem ovlaštenja po osnovu učešća državnog kapitala vrše organi Kantona koje ne dostavi poziv za zakazanu skupštinu sa dnevnim redom i materijalima za svaku tačku dnevnog reda u skladu sa članom 6. ove Uredbe.

Za prekršaj iz stava (1) ovog člana kaznit će se i odgovorno lice u privrednom društvu novčanom kaznom u iznosu od 50,00 KM do 2.000,00 KM.

Za prekršaj kaznit će se novčanom kaznom u iznosu od 50,00 KM do 2.000,00 KM član nadzornog odbora privrednog društva u kojem ovlaštenja po osnovu učešća državnog kapitala vrše organi Kantona, imenovan ispred državnog kapitala, koji:

a) postupi protivno članu 12. ove Uredbe,

b) ne izvrši primopredaju dužnosti u skladu sa članom 16. ove Uredbe.

Za prekršaj kaznit će se novčanom kaznom u iznosu od 50,00 KM do 2.000,00 KM član nadležnog organa privrednog društva u kojem ovlaštenja po osnovu većinskog učešća državnog kapitala vrše organi Kantona, imenovan ispred državnog kapitala, koji glasa za razrješenje i imenovanje članova uprave bez pribavljene prethodne saglasnosti Vlade Zeničko-dobojskog kantona iz članova. 17., 18. i 19. ove Uredbe.

Za prekršaj kaznit će se novčanom kaznom u iznosu od 50,00 KM do 2.000,00 KM član uprave privrednog društva sa većinskim učešćem državnog kapitala koji ne izvrši primopredaju dužnosti u skladu sa članom 20. ove Uredbe.

Organ Kantona obavezan je voditi službenu evidenciju o podacima koji se odnose na nadzorne odbore i uprave za privredna društava u kojima u skladu sa Listom vrši ovlaštenja po osnovu učešća državnog kapitala.

Organi Kantona koji u skladu sa stavom (1) ovog člana vode službene evidencije o podacima koji se odnose na nadzorne odbore i uprave privrednih društava, evidentiranje prvog sastava i evidentiranje svakog novog imenovanja i razrješenja članova nadzornih odbora i uprava ovih privrednih društava mogu vršiti isključivo na osnovu odgovarajućeg akta Vlade Zeničko-dobojskog kantona iz članova 9., 10., 14., 17., 18. i/ili 19 i drugih potrebnih dokumenata.

Nadzor nad provođenjem ove Uredbe vrše organi Kantona koji u skladu sa Listom vrše ovlaštenja u privrednim društvima sa učešćem državnog kapitala, svako u okviru svojih ovlaštenja.

Privredna društva u kojim ovlaštenja po osnovu učešća državnog kapitala vrše organi Kantona dužna su uskladiti odredbe statuta sa ovom Uredbom u roku od 60 dana od dana stupanja na snagu ove Uredbe.

Stupanjem na snagu ove uredbe prestaje da važi Uredba o vršenju ovlašćenja organa Zeničko-dobojskog kantona u privrednim društvima sa učešćem državnog kapitala i Lista privrednih društava u kojima Zeničko-dobojski kantona vrši ovlašćenja po osnovu državnog kapitala („Službene novine Zeničko-dobojskog kantona“, broj 5/06 i 4/07).

Ova Uredba stupa na snagu narednog dana od dana objavljivanja u „Službenim novinama Zeničko-dobojskog kantona“.

11. tačka dnevnog reda

Obrazloženje za ovu tačku dnevnog reda dao je Amir Abazović, pomoćnik u Ministarstvu za privredu.

U diskusiji je učestvovao Premijer Zeničko-dobojskog kantona.

Vlada je jednoglasno donijela Odluku o konačnom izboru kandidata za Nadzorni odbor privrednog društva “rmk promet” d.d. Zenica

Utvrđuje se da je za kandidata za Nadzorni odbor privrednog društva “rmk promet” d.d. Zenica izabran: Muhamed Mušija

U skladu sa članom 1. ove odluke Skupština privrednog društva “rmk promet” d.d. Zenica će svojim Rješenjem imenovati člana Nadzornog odbora privrednog društva “rmk promet” d.d. Zenica. Odluka stupa na snagu danom donošenja, i objavit će se u “Službenim novinama Zeničko-dobojskog kantona”.

12. tačka dnevnog reda

Obrazloženje za ovu tačku dnevnog reda dala je Berjana Ačkar, sekretar Vlade.

U diskusiji su učestvovali; ministrica Ministarstva zdravstva, ministrica Ministarstva za pravosuđe i upravu, ministar Ministarstva za prostorno uređenje, promet i komunikacije i zaštitu okoline i pomoćnik u Ministarstvu za privredu.

Vlada je uz predložene izmjene i dopune jednoglasno donijela Zaključak o izmjeni Programa rada Vlade Zeničko-dobojskog kantona za 2013. godine.

U Programu rada Vlade Zeničko-dobojskog kantona za 2013. godinu broj: 02-01-5626-1/13 od 04.03.2013. godine vrše se izmjene kako slijedi:

III. **NORMATIVNO - PRAVNI POSLOVI**

A. **OBLAST PRAVOSUĐA I UPRAVE**

U tački 1. „Zakon o izmjenama i dopunama zakona o sudskim taksama Zeničko-dobojskog kantona“ riječi: „Rok: Nacrt: mart; Prijedlog: maj” zamjenjuju se riječima “Rok: Nacrt: mart; Prijedlog: juli”.

U tački 2. „Zakon o kantonalnom pravobranilaštvu Zeničko-dobojskog kantona“ riječi: „Rok: Nacrt: april; Prijedlog: juni” zamjenjuju se riječima “Rok: Nacrt: maj; Prijedlog: august”.

U tački 3: „Zakon o pružanju besplatne pravne pomoći“ riječi: „Rok: Nacrt: maj; Prijedlog: juli” zamjenjuju se riječima “Rok: Nacrt: juli; Prijedlog: po okončanju javne rasprave”.

Tačka 4. „Zakon o državnoj službi u Zeničko-dobojskom kantonu“, briše se.

B. **OBLAST FINANSIJA**

Tačka 10: „Odluka o osnivanju Razvojne banke Zeničko-dobojskog kantona” briše se.

D. **OBLAST UNUTRAŠNJIH POSLOVA, JAVNOG REDA I MIRA**

U tački 16. “Zakon o izmjenama i dopunama Zakona o policijskim službenicima Zeničko-dobojskog kantona”, riječi: “Rok: Nacrt: mart; Prijedlog: maj” zamjenjuju se riječima “Rok: Nacrt: juni; Prijedlog: novembar”.

E. **OBLAST PRIVREDE**

Tačka 18. „Zakon o poticajima poduzetništvu i privrednoj djelatnosti“ briše se.

G. **OBLAST RADA, SOCIJALNE POLITIKE I IZBJEGLICA**

U tački 29. „Zakon o socijalno-neprofitnom stanovanju Zeničko-dobojskog kantona“ riječi: „Rok: Nacrt: mart; Prijedlog: juli” zamjenjuju se riječima “Rok: Nacrt: maj; Prijedlog: novembar”.

H. **OBLAST ZDRAVSTVA**

Tačka 30: „Odluka o neposrednom učešću osiguranih lica u troškovima korištenja pojedinih vidova zdravstvene zaštite“ briše se.

U tački 31: „Odluka o osnovicama i stopama doprinosa za obavezno zdravstveno osiguranje osiguranika Zeničko-dobojskog kantona“ riječi: „Rok: mart” zamjenjuju se riječima “Rok: oktobar”.

U tački 33: „Odluka o obimu prava na korištenje ortopedskih i drugih pomagala, zubnoprotske pomoći i zubnoprotskih nadomjestaka i endoproteza“ riječi: „Rok: april” zamjenjuju se riječima “Rok: decembar”.

I. **OBLAST PROSTORNOG UREĐENJA, SAOBRAĆAJA I KOMUNIKACIJA I ZAŠTITE OKOLICE**

U tački 36. “Zakon o izmjenama i dopunama Zakona o upravljanju i održavanju stambenih i stambeno-poslovnih zgrada („Službene novine Zeničko-dobojskog kantona“ broj: 2/08)”, riječi: „Rok: Nacrt: februar; Prijedlog: april” zamjenjuju se riječima “Rok: Nacrt: mart; Prijedlog: novembar”.

U tački 37. „Zakon o prostornom uređenju i građenju“ riječi: „Rok: Nacrt: mart; Prijedlog: juni” zamjenjuju se riječima “Rok: Nacrt: august; Prijedlog: novembar”.

Tačka 39. „Zakon o stambenom zbrinjavanju mladih“ briše se.

U tački 41. „Pravilnik o izmjenama i dopunama Pravilnika o pogonima i postrojenjima koji mogu biti izgrađeni i pušteni u rad samo ako imaju okolinsku dozvolu“ riječi: „Rok: juni” zamjenjuju se riječima “Rok: oktobar”.

J. **OBLAST BORAČKIH PITANJA**

U tački 48. “Odluka o izmjenama i dopunama Odluke o proširenom obimu prava iz oblasti zdravstvene zaštite za branioce i članove njihovih porodica (Prijedlog)“, riječi: „Rok: mart” zamjenjuju se riječima “Rok: maj”.

U tački 49. “Uredba o izmjenama i dopunama Uredbe o participaciji troškova sportskih manifestacija i invalidskog sporta branilaca i članova njihovih porodica“, riječi: „Rok: mart” zamjenjuju se riječima “Rok: april”.

U tački 50. “Uredba o izmjenama i dopunama Uredbe o stipendiranju branilaca i članova njihovih porodica“, riječi: „Rok: mart” zamjenjuju se riječima “Rok: april”.

U tački 51. "Uredba o izmjenama i dopunama Uredbe o prednosti u školovanju branilaca i članova njihovih porodica", riječi: „Rok: mart” zamjenjuju se riječima "Rok: april".

U tački 52. "Odluka o izmjenama i dopunama Odluke o novčanoj naknadi dobitnika ratnih priznanja i odlikovanja", riječi: „Rok: mart” zamjenjuju se riječima "Rok: april".

U tački 53. "Zakon o izmjenama i dopunama Zakona o dopunskim pravima branilaca i članova njihovih porodica (Prijedlog)", riječi: „Rok: septembar” zamjenjuju se riječima "Rok: novembar".

K. OSTALE OBLASTI

Naziv tačke 62: „Finansijski plan Agencije za privatizaciju Zeničko-dobojskog kantona za 2014. godinu“ mijenja se i glasi: „Finansijski plan Agencije za privatizaciju Zeničko-dobojskog kantona za 2013. godinu“.

IV. STUDIJSKO-ANALITIČKI DIO

A. OBLAST PRAVOSUĐA I UPRAVE

U tački 5. „Informacija o stanju u oblasti pravosuđa na području Zeničko-dobojskog kantona“ riječi: "Rok: maj" zamjenjuju se riječima "Rok: juni".

U tački 8. „Informacija o nevladinom sektoru“ riječi: "Rok: maj" zamjenjuju se riječima "Rok: septembar".

U tački 9. „Informacija o obavljanju notarske službe na području Zeničko-dobojskog kantona“ riječi: "Rok: juni" zamjenjuju se riječima "Rok: juli".

U tački 10: „Informacija o maloljetničkom prestupništvu u Zeničko-dobojskom kantonu“ riječi: "Rok: juni" zamjenjuju se riječima "Rok: august".

B. OBLAST FINANSIJA

U tački 16. „Izveštaj o izvršenju Budžeta Zeničko-dobojskog kantona za period januar-juni 2013. godine“ riječi: "Rok: juli" zamjenjuju se riječima "Rok: septembar".

C. OBLAST OBRAZOVANJA, NAUKE, KULTURE I SPORTA

U tački 19. "Odluka o odobravanju sredstava za dodjelu stipendije redovnim studentima s područja Zeničko-dobojskog kantona u akademskoj 2012/2013. godini", riječi: "Rok: februar" zamjenjuju se riječima "Rok: septembar".

Tačka 24. „Program utoška sredstava Transfera za prevoz učenika“ briše se.

H. OBLAST ZDRAVSTVA

U tački 71: „Izveštaj o realizaciji obaveza iz Strategije za izjednačavanje mogućnosti za osobe sa invaliditetom u Federaciji Bosne i Hercegovine za period 2011. - 2015. godine“ riječi: "Rok: februar" zamjenjuju se riječima "Rok: oktobar".

Tačka 79: „Izveštaj o radu i poslovanju Javne zdravstvene ustanove banjско-rekreativni centar "Aquaterm" Olovo za 2012. godinu“ briše se.

Tačka 81: „Informacija o epidemiološkoj situaciji u Zeničko-dobojskom kantonu za 2012. godinu“ riječi: "Rok: juni" zamjenjuju se riječima "Rok: decembar".

U tački 83: „Izveštaj o kontroli kvaliteta zdravstvene zaštite u Javnoj ustanovi Kantonalna bolnica Zenica za 2012. godinu“ riječi: "Rok: juli" zamjenjuju se riječima "Rok: decembar".

Tačka 84: „Izveštaj o kontroli kvaliteta zdravstvene zaštite u Javnoj ustanovi Opća bolnica Tešanj za 2012. godinu“ briše se.

U tački 87: „Informacija o epidemiološkoj situaciji u Zeničko-dobojskom kantonu za period januar-juni 2013. godine“ briše se.

J. OBLAST BORAČKIH PITANJA

U tački 97. "Informacija o utrošku sredstava sa transfera Ministarstva za boračka pitanja za potrebe branilaca i članova njihovih porodica u 2012.godini", riječi: "Rok: februar" zamjenjuju se riječima "Rok: mart".

U tački 98. "Program utroška sredstava sa transfera Ministarstva za boračka pitanja za potrebe branilaca i članova njihovih porodica", riječi: "Rok: februar" zamjenjuju se riječima "Rok: mart".

U tački 100. "Informacija o stanju u oblasti branilačko-invalidske zaštite za 2012. godinu", riječi: "Rok: mart" zamjenjuju se riječima "Rok: april".

U tački 102. "Informacija o stipendiranju branilaca i članova njihovih porodica u studijskoj 2012/2013.godini", riječi: "Rok: april" zamjenjuju se riječima "Rok: juli".

U tački 103. "Informacija o naknadi troškova liječenja i nabavke lijekova za potrebe branilaca i članova njihovih porodica u 2012. godini", riječi: "Rok: april" zamjenjuju se riječima "Rok: august".

U tački 104. "Informacija o statusu, radu i aktivnostima udruženja pripadnika branilačke populacije na području Zeničko-dobojskog kantona", riječi: "Rok: oktobar" zamjenjuju se riječima "Rok: novembar".

K. OSTALE OBLASTI

U tački 118: „Program rada Agencije za privatizaciju Zeničko-dobojskog kantona“ riječi: "Rok: mart" zamjenjuju se riječima "Rok: oktobar".

Tačka 121 „Obim i struktura robnih rezervi Zeničko-dobojskog kantona za 2013. godinu“, briše se.

Tačka 122: „Plan robnih rezervi Zeničko-dobojskog kantona za 2013. godinu“, briše se.

Zadužuje se Stručna služba Vlade da dostavljanjem ovog zaključka informiše Stručnu službu Skupštine Zeničko-dobojskog kantona o izmjenama Programa rada Vlade za 2013. godinu, te da Kalendar akata uskladi sa izmjenama iz tačke I. ovog zaključka. Zaključak stupa na snagu danom donošenja.

13. tačka dnevnog reda

Obrazloženje za ovu tačku dnevnog reda dao je Nedžad Lokmić, ministar Ministarstva za boračka pitanja.

Vlada Zeničko-dobojskog kantona je jednoglasno donijela Zaključak kojim utvrđuje Amandman I. na Prijedlog Odluke o osnovicama i stopama doprinosa za obavezno zdravstveno osiguranje u Zeničko-dobojskom kantonu, koji glasi:

"Amandman I.

U članu 9. tačka d) Prijedloga Odluke o osnovicama i stopama doprinosa za obavezno zdravstveno osiguranje u Zeničko-dobojskom kantonu, riječi: "i civilnog invalida", brišu se."

Zaključak sa obrazloženjem u kojem je sadržan razlog zbog kojeg se utvrđuje podneseni amandman upućuje se u daljnju skupštinsku proceduru. Zaključak stupa na snagu danom donošenja.

14. tačka dnevnog reda

U diskusiji su učestvovali; sekretar Vlade, ministrica Ministarstva finansija, Premijer Zeničko-dobojskog kantona.

Dostavom materijala pod ovom tačkom dnevnog reda članovi Vlade su upoznati sa istim.

Premijer je zaključio sjednicu u 14⁰⁵ sati.

SEKRETAR VLADE

Berjana Ačkar

PREMIJER

Munib Husejnagić, dipl.ing.maš.

ZAPISNIČAR

Alma Hrnjić